

Broj: 01-01-3- 42/18

Datum: .28.12.2017.godine

Na osnovu člana 2.12. Izbornog Zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08, 37/08, 32/10 i 18/13), Uputstva o utvrđivanju kvalifikacija, broja i imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“ broj: **57/17**) i člana 1. Odluke o objavljivanju javnog oglasa za imenovanje članova Općinske izborne komisije br: 01-01-3-41/18 od 28.12.2017. godine, Općinsko vijeće Olovo, r a s p i s u j e

## **JAVNI OGLAS**

### **za imenovanje jednog člana Općinske izborne komisije Olovo**

1. Raspisuje se javni oglas za imenovanje **jednog** člana Općinske izborne komisije Olovo, iz reda bošnjačkog naroda.  
Člana Općinske izborne komisije imenuje Općinsko vijeće, uz saglasnost Centralne izborne komisije Bosne i Hercegovine na period od 7(sedam) godina.
2. Pravo na prijavu imaju svi kandidati koji ispunjavaju uslove propisane Izbornim zakonom BiH i podzakonskim aktima, a kako slijedi:

#### **a) Za člana izborne komisije može biti izabran:**

Predsjednik ili sudija redovnog suda, Sekretar Općinskog vijeća, lica profesionalno zaposlena u općinskim organima uprave i druga lica ako ispunjavaju uslove određene članom 2.2 izbornog Zakona, a nemaju smetnji iz člana 2.3 Izbornog Zakona uz poštovanje člana 2.14.Izbornog zakona, kao i člana 2. i 3. Uputstva o utvrđivanju kvalifikacija, broja i imenovanju članova Izborne komisije osnovne izborne jedinice u Bosni i Hercegovini („Službeni glasnik BiH“ broj: 9/10,37/10 i 74/11)

#### **Uslovi propisani u članu 2.2. Izbornog zakona**

Članovi izbornih komisija su lica sa pravom glasa.

Članovi izbornih komisija su lica sa odgovarajućom stručnošću i iskustvom u provedbi izbora.

Centralna izborna komisija BiH utvrđuje koje su kvalifikacije potrebne za članove izbornih komisija u smislu prethodnog stava.

Članovi organa za provođenje izbora su obavezni stalno se obučavati tokom vršenja mandata u skladu sa planom i programom edukacije koje donosi Centralna izborna komisija BiH.

#### **Uslovi propisani u članu 2.3. Izbornog zakona**

#### **b) Za člana izborne komisije ne može biti imenovano lice:**

- koje se ne može kandidirati u smislu odredbi članova 1.6, 1.7 i 1.7a ovog zakona,
- koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora),
- koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. ovog zakona,
- koje je kandidat za izbore za bilo koji nivo vlasti, i
- kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri (4) godine, računajući od dana pravosnažnosti odluke.

Centralna izborna komisija BiH odlučit će da li težina povrede ili lična odgovornost u smislu alineje 5. ovog člana čine lice nepodobnim da bude član izborne komisije ili biračkog odbora.

### **Uslovi propisani u članu 2.14 stav 1. Izbornog zakona**

Sastav izborne komisije treba biti multietničan, tako da odražava zastupljenost konstitutivnih naroda, uključujući i ostale, u izornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou.

### **Uslovi propisani u članu 2.**

**Uputstva o utvrđivanju kvalifikacija, broja i imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“ broj: 57/17)**

#### **(Kvalifikacije)**

- (1) Pored općih uslova propisanih članom 2.2 Izbornog zakona BiH, član izborne komisije mora ispunjavati i posebne uslove:
  - a) da ima prebivalište u općini za koju se imenuje izborna komisija,
  - b) da ima završen fakultet, VII/1 stepen stručne spreme ili završenu fakultet Bolonjskog sistema studiranja sa najmanje 180 ETCS i
  - c) da posjeduje iskustvo u provođenju izbora.
- (2) Pod iskustvom u provođenju izbora podrazumijeva se:
  - a) članstvo u izornoj komisiji, i
  - b) članstvo u biračkom odboru na izborima obuhvaćenim Izbornim zakonom u BiH.
- (3) Izuzetno od odredbe iz člana 2. stav (1) tačka a) ovog Uputstva, član izborne komisije može biti osoba sa prebivalištem iz druge općine, ukoliko nema kandidata, sa prebivalištem u općini u kojoj se imenuje izborna komisija, koji ispunjava uslove tražene javnim oglasom.
- (4) Izuzetno od odredbe iz člana 2. stav (1) tačka c) ovog Uputstva, član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETSC.

#### **(Izuzeci)**

Izuzetno od odredbe iz člana 2. stav (1) tačka b) ovog Uputstva, član izborne komisije može biti lice sa koje ima završenu višu školu, odnosno VI stepen stručne spreme ukoliko se radi o općini koja ima manje od 1000 birača upisanih u Centralni birački spisak ili ako je potrebno ispoštovati odredbe člana 2.14 stav (1) Izbornog zakona BiH.

5. Članove Općinske izborne komisije imenuje i razrješava Općinsko vijeće uz saglasnost Centralne izborne komisije.

6. Mandat izabranog člana izborne komisije traje 7 godina, i teče od dana davanja saglasnosti Centralne izborne komisije BiH na odluku o imenovanju.

7. Krajnji rok za podnošenje prijava je **8 (osam)** dana od dana objavljivanja javnog oglasa. Po zatvaranju javnog oglasa, Konkursna komisija će izvršiti klasifikaciju kandidata.

Po zatvaranju javnog oglasa konkursna komisija podnosi pisani izvještaj nadležnom organu, u kojem navodi sverelevantne podatke za svaku osobu koja je podnijela zahtjev po javnom oglasu. U navedenom izvještaju konkursna komisija vrši klasifikaciju kandidata na one koji ispunjavaju uslove tražene javnim oglasom, na one koji ne ispunjavaju uslove uz obrazloženje. Sa kandidatima koji ispunjavaju uslove javnog oglasa, konkursna komisija obavlja intervju, prema prethodno utvrđenim kriterijima, nakon čega vrši bodovanje i sačinjava rang-listu sa redosljedom kandidata prema uspjehu (ukupnom broju bodova), postignutom na intervjuu i istu dostavlja nadležnom organu na odlučivanje.

Nepotpune i neblagovremene prijave neće biti uzete u razmatranje.

6. Uz prijavu na Javni oglas potrebno je dostaviti sljedeću dokumentaciju:

- Kraću biografiju sa ličnim podacima
- Dokaz o stručnoj spremi,
- Dokaz o izbornom iskustvu,
- Ovjerenu fotokopiju lične karte,
- Dokaz da se kandidat obratio Agenciji za statistiku BiH, tj. priložiti odgovor Agencije te priložiti izjavu o nacionalnoj pripadnosti svojeručno potpisanu i ovjerenu kod nadležnog organa pod punom materijalnom i krivičnom odgovornošću.
- Izjavu da nije član najvišeg izvršnog organa niti jedne političke stranke, ili koalicije, svojeručno potpisano.

Prijave za Javni oglas dostaviti u zatvorenoj koverti sa naznakom: „

**JAVNI OGLAS ZA IMENOVANJE ČLANA  
OPĆINSKE IZBORNE KOMISIJE OLOVO**

**- NE OTVARAJ“**

**Na sljedeću adresu:**

**KONKURSNA KOMISIJA ZA IZBOR ČLANA OIK-a  
OPĆINSKOG VIJEĆA OLOVO**

**Ulica. Branilaca Olovo bb**

**71340 Olovo**

Prijave se mogu slati putem pošte ili direktnom predajom na protokol u šalter sali Općine Olovo.

**PREDSJEDAVAJUĆA  
OPĆINSKOG VIJEĆA**

**Enida Brkić, dr. med., s.r.**